儒

宗

理

要

道 徴 簡 夢 留 获 記 刻 紨 被 心 堂 迷 聞 其 理 理 洛1 惑 學 學 學 九 關 大 雕、 者 滋 者 宇 義 閩 姓 賢 皆 衡 宙 氏 之 深 有 傳 達 吾 校 引 不 而 未 譽 道 得 伻 制 究 闡 毠 之 後 典 L 藝 道 夙 學 為 而 不 抑 奢 城 無 齳 足 難 同 高 也 支 儒 以 志 理 離 宗 之 LL_L 用 窥 各 仰 是 理 性 假 未 疋 廣 借 买 命 廣 於 稽 之 之 也 青 博 習 鱗 心 期 釆 纫 凡 而 而 平 藉 習 以 JF. 重 唯 聍 學 理

道 學 無 腴 是 能 鴻 無 立、 以 浴 所 與卓 地师 諏 見 儒 力 南 2 五、然 未長 碩 15 先有激數週鄉 恶 3 生 見 北 也 潜 間 閉 守海哉谷视 並 戸 幽為 滅 垂 正心謹 理告芳廷脩 不一不 朽偏 攸 同獨 疎 抑 易所同志 或 行而 西 廖 著 謂 即 群 遺 者 111 庠 悉 阿里學引世述 能 入 有 類 莹 止 因 詩之淺推 無 課 瓣 以 帖 徒深不 自 調 具 識限高秘 自 秋 他 括 寡 而 日 有以 耳 學 小人 和 絶 目 學 末 大 所

而漸也如譬之宋周 副 哉 揭 循 流 之 子 子 王 亞有序 文然日列 中窥月星歟周 傍倡其其麗自子 學道所間 天 孟 盎 無河造者終子孔 傳汾不董不沒顏 人 類 過 仲 能 微 之 岩為升 舒使 言繼 韓特堂者堯絕起 昌立繁天舜千程 黎中露人以五朱 三來百諸 雕說 有之書策相年子 言又固傳雖之 原 道大啓煌之儒開 有識煌道者先 醇 緯大煥 間孟 猶者之言然起子

師 要 不文 誠 倮 世 而 篤 之 太 周 後謬極 於 子老 二言人起則 其 自 所程 臆 極 契 入秦 因 著朱 說 發 性 於 漢 太 絡 命 禪以 一子 明 極凡然天之玄迄 言 通 若 微天 人 隋 天昏 12 於人 大 2 霧蘊 天 悉之剖 釋 易 年句本見析接瞭聰 疏其朝亳孔冥明 上然說陽釐頹雁才 根之 後而 功 雜智 颜天朱斯極學英 下|子|偉|理|於 得士

世 私 異 F 背 之 端 道 焉 行 鳴 謂 尚 也 之 然 呼 論 斯 此 而 孟聖 道 者 周去子 三 可 性 代 之 代 聖 則人 所 謂 而而 去之 以下 2 上 聖世稱亞其 揭 郹 未亞聖 端 目 遠聖之為 也 以 月 與者 為 稱 熄 功 而 巴聖 斷 以 行| 學 遼 其自於 平 人 術 之 能孟物 聖 矣 抑 居 子 或 尊 當 而 後 特 甚 孔 子 草 立 近 此 俷 則 闢 無獨於

本 窮 明 者 神 聖 平 極 夘 知 異 伏 發 文 化 之 羲 王 揮 任 登 以聖 衍 窮 [1] 非 神 赐 有 易 開 矣 致 知 周中 .畫 致天 岩|曲|化|公|正|啓|曲 明 設 道 矣 易 而 仁 而 2 不誠若象 義 誠 者夫體 主 之 聖 知 平以 天 静 其 聖 師 有 至 誠 地 為 立 有 振 之 生 如 極 開 為 起 撰 學 絕 孔 登 知 道 之 學 矣 非 子 士 類 聖 萬 之 希 振岩 聖 賢 有 物 起 絕根通

生 Ŋ 論 一下 敷 夘 有 之 昌 哉 四 全 卷 功 急 黎 學 書 葢 矜 豈 而 日 亦 故 非 凡 孟 以 周 為 子 六 僣 子 可 所 為 卷 之 之 謂 孟 精 子 後 今 以 刪 功 通 之 貫 訂 神 去 明 其在 之 流 者 如 本 並 左 能 矣 詩 禹 平 舽 稱 下 敬 堊 雜 周 書 聖 讀 之 潛 登 功 而 存 詩 渦 登 極 通

局悖願字茂叔道州營道人先名惇實 為公言之言 守李初平賢之語之 而於聖琴周子 〈驚日老吏不如也部使者薦之 、吾不為也達悟囚得免移郴之柱陽令治績尤者 一辨不聽乃委手板歸將棄官去日 士鄭珦任 住為分寧主簿有獄久不 日吾欲讀書何如惇願日 徙知南昌南昌人皆曰是能辨分寧獄 本傳) 達酷悍吏 也 衆莫敢爭惇)調南安軍可理系軍 L如此尚可仕手殺 **[公老無及矣詩**

將奏用之永及而卒年五十七黃庭堅稱其人品甚高胸懷瀝 花峰下前有溪合於湓江取營道所后濂溪以名之扑再鎮蜀 決雖下之民不肯從部使者趙抃惑於譖口臨之甚處停願處 **馬馬廣東轉運判官提點刑獄以洗寃澤物為已任行部不憚** 失君矣今而後乃知周茂叔也熙寧初知郴州用抃及呂公者 落如光風霽月亷於取名而銳於求志薄於徼漏而厚於得民 乙超然通判度州林守虔熟視其所為乃大悟就其手日吾幾 令為憂而又以汚穢善政為恥歷合州判官事不經手吏不敢 非於奉身而燕及榮蹇陋於希世而尚友千古博學力行者太 了去雖瘴癘險遠亦緩視徐按以疾求知南康軍因家廬山蓮

官至寳文閣待制 局に担か周子 周茂叔後吟風弄月以節有吾與點也之 共為學知道因與為友使二子題願往受業与惇願每今葬孔 未悟訪惇願惇願曰吾老矣說不可不詳留對榻夜談越三日 **顏樂處所樂何事二程之學源流乎此矣故順之言曰自再見** 極之蘊序者謂其言約而道大文質而義精得孔孟之 有功於學者樣南安時程响通判軍事視其貌非常人 極圖明天理之根源究萬物之 二年賜諡曰元公淳祐元年封汝南伯從祀孔子廟庭子壽奉 **/ 透願驚異之日非從周茂叔來耶共善開發人** 本傅)終始又著通書四十篇發明上)意侯師聖學於程願 八類此嘉定上 八與語知 本源本

45 m · ·						. ~ .	-			
需完里吳周子 目象	恒動第五	聖第四	誠幾德第三	誠下第二	誠上第一	通書	卷之二	太極圖說	卷之一	儒宗理要周子目錄
Į.										

愛敬第十五	務實第十四	禮樂第十三	治第十二	順化第十一	志學第十	思第九	幸第八	師第七	道第六	オーシス 王二七八

局际 医 周子 事象	師友下第二十五	師友上第二十四	顔子第二十三	理性命第二十二	公明第二十一	聖學第二十	樂下第十九	樂中第十八	樂上第十七	動靜第十六


极議第二十五	陋第三十四	富貴第二十二	家人揆復元妄第三十二	乾損益動第三十一	精蘊第三十	聖蘊第二十九	文辭第二十八	勢第二十七	第二十	作与刊记

•

· 信宗理要周子 1	蒙艮第四十	孔子下第三十九	孔子上第三十八	公第二十七	刑第三十六

太極 周子 老 **后产担延周于** 堂於其上叉曰先生 極圖迪書易通數十 甚早遇事剛果有古人風為政精密嚴恕務盡道理管作 皆此圖之 山之麓有溪焉先生濯纓而樂之 就觀通書之 圖 蘊而程先生 極圖者源溪先生之 誠動靜理 - 篇襟懷飄灑雅有高趣尤樂佳山水 學其妙具於太極 兄弟語及性命之際亦未嘗不因 命等章及 太極關 因寓以濂溪之 一圖通書之言)號而築書

備与到事 特其學之一 之學又何以加於此圖哉是以竊管疑之及得誌文攷之然 圖以為得之於人則央非种穆所及以為非其至者則先 而來而五峰胡氏作序又 不明而驟讀通書者亦復不知有所總攝此則諸本之失也 以圖為書之卒竟不復釐正使先生立象盡意之微指暗而 公志顏子好學 又皆煎朱內翰震進易說表謂此圖之傳自陳摶种放移脩 著書特以作太極圖為稱首然則此圖當為先生害首不疑 然先生既手以授二程本因附書後傳者見其如此途 一師耳非其至 論等篇則可見矣潛清逸誌先生之墓叙所 以為先生非止為种穆之學者此 ~學之



作与对写 而水火之之交系平上陰根陽陽根陰也水而水水而火火 陽盛故居左术陽穉故次火金陰穉故次水土冲氣故居 而土上而金金而復水如環無端五氣布四時行也〇〇 の者で之根也で者のさ 木金土也、者陽之變也一者陰之合也 之動也〇之用所以行也つ者除之靜也〇之體所以立也 陰陽五殊二 實無餘欠也陰陽一 根也强命此陽變陰合而生水

需亲里要周了 男女一太極也公 得夫秀さ 則所謂人 各臻其極而天下之故常感通平寂然不動之中益中也仁 也所謂《也〇之用所以行也正也義也寂也所謂 (紛綸交錯而吉凶悔客所由以生也惟聖人 ?精一,而有以全乎○ 德也善惡男女之分也萬事萬物之象也此天下)者於是乎在矣然形)之 松一 一族閥推盡說意性上引說解剥圓體性 仁義渾然 太極圖)之體用者也是以一 形化者言也各一 為也神《之發也五 八也得其秀而最實 一其性 動 八者。文

朱初子 所謂易也而三 所 能選矣君子之 後所以悖此 则 图 ラヨゴ 湖心也物 調也 加凶也 一極之道立焉實則 成旗恐懼所以 肉重 天地人之道各 附及朱 地 释其義 而吉也小人 静誠已躍 の也物之終也此 口易有七 如但各民 太極の 业 邪 肵

逐動陽 動也 靜 維 消除 不離 静削 之根靜而 而 上海所 周子 削 罗 **静而生**之 沂 動行生と 合也 也。極 極者 火 静陰 之爲行體體 根立故 り全 り触 **運動**

作与 一陰不水⑥ 布·土而陰太陽外火陽陰氣是土 也, 五月 五極 無粗之其極大大 以水無環火木

也性而 生生性具成也疑行假所一女故合之借机 萬物一-最太極 长个 上即之其為體各可則 太男 見有極女言化 二下极而形化萬 五圖此 以產用 推以 所盡上 記引 惟

未成本 體 不此理各 之 男為之土 下 ナ 男德神 動 女 義智謂 極自至此山之有精有之 分 之故是是一之故。大學 **事**形 用太至得 所此 由 一二 以 感通 不 日 五 二行而自錯之之生此雜動 於 動 也陽 E. 體 有以全平〇大 有以全平〇大 有以全平〇大 泉 除行即 也感化於而静成之 秀 山動

で行たり 之地也,而始此此此也 之行立而隨 變鬼 化神 以違古所、取存以以 極太 **房**图图五五 生之以除隔此得修不能是有所不能。 生之以陰隔此得修入 九十八人之放解那位 天皇不能君子之戒諸 天 柔之言地 調也氣剛 地 也 則 天地 而 極 之之 **修** 進 型 型 型 型 明大·於 四 足 质 ○極此 庁 別とは

太極動而生陽動極而靜靜而生陰靜極復動一無極而太極非太極之外復有無極也 其根分陰分陽兩儀立焉 太極之有動靜是天命之流行也所謂一陰一陽之謂道誠 者聖人之本物之終始而命之道也其動也設之通也繼之 文理**の**陰之謂此 善萬物之所資以始也其靜也誠之復也成之者性萬物 無臭而實造化之樞紐品彙之根柢也故日 本體而言者也

陽變陰合而生水火水金土五氣順布四時行焉 局区型長周子 轨能識之 悉具於其中矣雖然推之於前而不見其始之合引之於後 不在焉自其微者而觀之則冲漠無朕而動靜陰陽之理已 以自其著者而觀之則動靜不同時陰陽不同位而太極無 者所乘之機也太極形而上之道也陰陽形而下之器也是 而不以終之離也故程子曰動靜無端陰陽無始非知道者 之所以流行而不已 立焉。分之所以一 太極則一 動 一静而兩儀分有陰陽則 定而不移也葢太極者本然之妙也勁靜 也動而生 太極圖說 一陽靜而生陰公 變 Ł が除み か陽雨

變至於不可窮然無適而非陰陽之道至其所以爲陰陽者 則又無適而非太極之本然也夫豈有所虧欠間隔哉 則氣陽而質陰也又錯而言之則動陽而靜陰也盡五行之 序則曰水火木金土而水木陽也火金隂也以氣而語其行 五行具則造化發育之具無不備矣故又即此而推本之以 之序則曰木火土金水而木火陽也金水陰也又統而言之 具然五行者質具於地而氣行於天者也以質 **啥陽也啥陽一太極也太極本無極也五行之生也各** 體莫非無極之妙而無極之妙亦未當不各具 而語其生之

化生萬物萬物生生而變化無窮焉 無極之真二五之精妙合而凝乾道成男坤道成女二氣交感 物哉然五行之生隨其氣質而所禀不同所謂各一其性也 者又初無聲臭之可言是性之本體然也天下豈有性外之 陰陽異位動靜具時而皆不能離乎太極至於所以為太極 之無所不在又可見矣 無間者也所謂妙合者也真以理言無妄之 其性則渾然太極之全體無不各具於一 物之中也葢五行異質四時異氣而皆不能外乎陰陽 --)物而性無不在此無極二 乙至国化 一五所以混融而 一物之中而性

信兵理要遇 **葢合而言之萬物統體** 男則父之道也陰而順者成女則母之道也是人 不二之名也與者聚也氣聚而成形也葢性爲之主 太極也自萬物而觀之則萬物各一其性而萬物一 一變化無窮矣自男女而觀之則男女各 行為之經緯錯綜又各以類凝聚而成形焉陽 所謂天下無性外之物而性無不在者於此 而生者也氣聚成形 子思子日君子語大天下莫能載焉語小 余 太極也分而言之 則形交氣感遂以形化而人 其性而男女 八物之始以 人物生 大 陽

惟 聖人定之以中正仁義理 さずに しっこう 野で 秀故其心為最靈而有以不失其性之 有太極之 此言衆人 極也然形生於陰神發於陽五常之 (具動静ぐ 一焉然陰陽五行氣質交運而人 而五性之 自非聖 一一常失之 殊散 道仁 亚圆兔 於動也蓋人 為萬事益一 宗遠矣 全所謂天)性感物而動而陽 政静工人 | 氣五行化: 地之 <u>ر</u>

凶. 放聖人與天地合其德日月合其明四時合其序鬼神合其吉 害相攻者於此乎定矣然靜者誠之復而性之貞也苟非此 有以全夫太極之道而無所虧焉則向之所詞欲動情勝利 哉故聖人中正仁義動靜周流而其動也必主乎靜此其所 之秀氣以生而聖人之生又得其秀之秀者是以其行之也 此言聖人全動靜之德而常本之於靜也蓋人禀陰陽五行 以成位乎中而天地日月四時鬼神有所不能進也葢必體 中其處之也正其發之也仁其裁之也義益 心寂然無欲而靜則又何以酬酢事物之變而一天下之 動 一靜莫不

君子脩之吉小人悖之凶 聖人太極之全體一動一 立而後用 矣敬則欲寡而理明寡之又寡以至於無則静虚動直 而悖之小人之所以凶也脩之悖之亦在乎故肆之 假脩為而自然也未至此而脩之君子之所以 直遂不翕聚則不能發散亦此意砌 口原始反終故知死生之說 |除與陽立地之道日 こと明と

大哉易也斯其至矣 信与ガラ 義成德人道之所以立也道一而已隨事者見故有三十之 行古今不言之妙聖人作易其大意葢不出此故引之以證 陰陽成象 天道之所以 别而於其中又各有體用之分焉其實則一太極心陽化 易之為書廣大悉備然語其至極則此圖盡之其指豈不深 以生則反共終而知所以死矣此天地之間綱紀造化流 門管問之程子昆弟之學於周子也周子手是圖以授之 地物之始也陰也柔也義也物之終也能原其始而 一立也剛柔成質地道之所以立也仁

論 之 可 陰陽或謂不當以太極陰陽分道器或謂不當以仁義中 分體用或謂不當言一 則必有微意焉學者亦不可以不知也 不給也故總 言體立而後用行者又有謂仁 一然惜其於聖賢之意皆得其一 有謂仁義中正之分不當反其類者是數者之 思既為此說讀者病其分裂已 _ 與天道多出於此然卒未曾明以此圖示人 活論之. 物各具一太極又有調體用一 末内外質主之 一つに国の 人抵難者或謂不當以繼善成性 一為統體不可偏指為陽 一而遺其二也夫 夫道 一源不 體之

流行而未始有窮陽之動也 者也陰陽形而下者也周子之意亦豈直指善為陽而性 之靜也以此辨之則亦安得無二者之分哉然性善形而上 陽變化而言也成之者性自夫人物菜受而言也陰陽變化 **談哉夫善之與性不可** 陰哉但語其分則以為當屬之此耳陰陽太極不可謂有二 惡雜其論每陷於一偏卒為無星之拜無寸之尺而已豈不 而 所以為道體之全也今徒知所謂渾然者之為大而樂言之 可以毫釐差者此聖賢之言所以或 不知夫所謂桑然者之未始相離也是以信同疑與喜合 前有二物明矣然繼之者善自其陰 人物稟受一定而不可復易除

有未安者然仁者善之長也中者嘉之會也義者利之宜也無乎其不偏矣仁義中正同乎一理者也而析為體用誠若 安得為無體用之 **具則亦有可疑者然一** 正者貞之體也而元亨者誠之 為器須著如此說然器亦道 此統之 為道器之 有宗會之所以有元也是則安得一 分哉萬物之 物之中天理完具不相假借.)别也放程子! 太極圈論 源者程子之言益己 也道亦器也得此意而推之 生 通 同 理者也而析為體用誠若 也利貞者誠之復也是 大極者也 而上為道形而 土 一而謂其各 不相 III

ļ 然其言葢曰四德之元猶五常之 無乎不在也言理則先體而後用葢舉體而用之理已具是 所以為一 也其日顯微無間者以至著之象言之則即事即物而此 彼矣所謂仁為統體者則程子所謂專言之而包四者是也 用一源者以至微之理言之則冲漠無朕而萬象昭然已具 可言哉况 所以為無間也然則所謂一源者是豈漫無精粗先後之 源也言事則先顯而後微益即事而理之體可見 旣日體立而後用行則亦不嫌於先有此而後有 大倫言之一事而可以聚語夫專言之統體者 一之所以包夫四者固未皆離夫偏言之一 仁偏言則一 理

馬尼里是周子 所謂未發之中也仁不為體則亦以偏言一 動靜之別哉至於中之為用則以無過不及者言之而非指亦不得為專言之矣安得遠以夫統體者言之而昧失陰陽 者所以爲仁之質又可知矣其爲體用亦豈爲無說哉大抵 指所謂專言之仁也對此而言則正者所以為中之幹而義 能虛心一意反復潛玩而好以先入之說亂焉則敗幾其有 **周子之為是書語意唆潔而混成條理精密而疎暢讀者誠 蒸既為此說當錄以寄廣漢張敬夫敬夫以** 得乎周子之心而無疑於紛紛之說矣 一配義而復以中正参焉又與陰陽剛柔 太極圖論 事者言之

有此外矣。觀其答張閎中論易傳成書深忠無受之者及近年已覺頗親其答張閎中論易傳成書深忠無受之者及 當之至程子而不言則疑其未有能受之者爾夫旣未能默 道敬則其意亦可見矣若西銘則推人以之天即近 識於言意之表則馳心空妙入耳出口其弊必有不勝言者 東見錄中論横渠清虛一 周子恭不得已而作也觀其手授之意盡以為惟程子為能 調微意者果何謂耶憙獨調以為此圖立象證思剖析幽微 所與門人講論問答之言見於書者詳矣其於西銘葢 至此圖則未甞一言及也謂其必有微意是則固然然所 一大之 此書評於性命之原而略於淮 說使人向別處走不若且

唇形想疑問子 朱子曰伏羲作易自 民也深熹於周子程子亦云既以復於敬夫因說其說於 也而周子言之先聖後聖豈不同條而共買哉〇無極二 言太極也而孔子言之孔子聲易自太極以下未管言無極 乾道癸巳四月既望熹謹書 則鮮及焉其意亦猶此耳韓子日尭舜之利民也大禹之慮 太極圖附錄 乃周子灼見道體逈出常情勇往京 總論 衣一 畫以下文王演易自乾元以下皆未當 太極圖論 **乳醴而於易** 說本語首句但云無極而太極不 極圖說益濂溪於是始得立傳作史者於此為有功矣然此 逅 極則又無所依據而重以病夫先生〇戊申六月在玉山 以為先生病史氏之傳先生者乃增其語曰自無極而為 **夫道之未始有物而實為萬物之** 圖 理令後之學者雖然見得太極之妙不屬有無不落方體真 一復有所謂無極哉近世讀者不足以識此而或妄議之)洪景盧內翰借得所脩國史中有濂溪程張等傳盡載 以發而其所謂無極而太極云者又 千聖以來不傳之秘〇先生之精因圖以示先生之蘊 j !)根柢也夫豈以為太極之 圖之綱領所

帝心里 即間子 原其後即以人所稟受明之自惟人也得其秀而最靈純粹 或妄有譏議若增此字其為前脩之累啓後學之疑益以甚 謗之故 請 刊 國 史 所 記 草 頭 木 脚 之 語 神 祖 循 俯 從 之 况 理也○濂溪太極圖首尾相因脈絡貫通首言陰陽變化之 乃百世道術淵源之所繋耶正當援此為例則無不可改之 成男成女之象也萬事出則萬物化生之象也至聖人定之 五性感動則陽變陰合而生水火木金土之 至善之性也是所謂太極也形生神發則陽動陰靜之為也 失調當詩而改之而或者以爲不可昔蘇子容特以爲父辯 一字也夫以本文之意親切渾全明白如此而淺見之 太極圖論)性也善惡分則 主

作子玉耳 守之也益原此理之所自來雖極微妙萬事萬化皆自此中 應事之外也〇凡看道理要見大頭腦處分明下面節節 仁義便是理會此事處非是別有一 流出而實無形象之可指放曰無極耳若論工夫則只中正 是此理散為萬殊如孔子教人雖是逐事說箇道理未嘗說 脩之吉而已未皆使人日用之間必求見此無極之真而固 致而其所說用工夫處只說定之以中正仁義而主靜君子 與天地混合無問矣故下文又言天地日月四時鬼神四者 無不合也〇周子唉緊為人特著太極之書以明道體之極 以中正仁義而主靜立人 八極焉則又有得乎太極之全體而 段根原工夫又在講學

朱子日伏義畫卦只就陰陽以下孔子又就陰陽上 孟子便已指出教人周子說出太極又是大段分明指出矣 若看得太極處分明則盡見得天下許多道理條件皆自此 出事事物物上皆有此箇道理元無虧欠也〇太極圖某若 元元即太極之動處如此節節推將去亦自見得大頭腦處 且 此子細去看否 不分明别出許多節次出來如何看得但未知後人果能如 一如惻隱之端從此處推將去則是此心之仁 論太極圖與諸書同具 11. 引作一只一 一個處然四方八面合聚凑來也自見得筒大頭腦若 人 不司公 ţ 仁即四德之

伏羲本圖非康節所自作雖無言語而所該甚廣凡今易中 十二一一八十四然後萬物之理備西銘則止言陰陽洪範則 环然道理亦未始不相值也○問先天太極二圓日先天乃 而詳論其義理則先天不如太極之 中大縣綱領意思而已故論其格局則太極不如先天之大 止言五行或略或詳皆不同何也日理一也人所見有詳略 問太極圖自一而二自二而五即推至於萬物易則自一 康節又道須信盡前元有易嫌溪太極圖又有許多詳備 二自二而四自四而八自八而十六自十六而三十二自三 一義無不自其中流出者太極却是源溪自作發明易 一而

局に里尼周子 帝降東于下民亦只是恰好處極不是中極之為物只是在 極其各具一太極處又有許多道理須虛心平氣就事觀理 極散為六十四卦三百八十四爻而一卦一爻莫不具一太 惡遂加其一 而八以為八卦太極之数亦自一而二乘自二而四縣柔善 安排也若以數言之則先天之數自一而二自二而四自四 不可以就圖想像思惟也〇問劉子所謂天地之中即周子 所謂太極否曰只 一中以為五行而遂下及於萬物葢物理本同而 一致但推得有大小詳略耳〇先天之說亦是太 一般但名不同中只是恰好處書惟皇十 大陸圖論)内又不若彼之自然不假思慮

作为其事以及 落在中間太虚字落在一 本末次第也日横渠論氣與西鉛太極各是發明一事不可 陽之說相出人然横渠立論不一而足似不若周子之言有 議也○問近思錄載橫渠論氣一章其說與太極過動靜陰 曾加些從那襄比到這裏也恰好不會減些○問源溪作太 以此而發彼優多亦不當輕議也○問横梁太虚之說本是 之學不知所造為就深日此未易窺測然亦非學者所當輕 極圖發明造化之原横渠作西銘揭示進為之方然二先生 中如這燭臺中央籍處便是極從這裏比到那裏也恰好不 說無極却只說得無字日無極是該虚實清濁而言無極字 月-邊了便是難說聖人熟了說出便

言言こうこと問子 大底物事四方上下曰字古往今來曰宙無一 大四方去無極上下去無極是多少大無一箇物似宙樣長 遠亘古旦今往來不窮自家心下須常認得這意思問此是 誰語曰此是古人語象山常要說此語但他說便只是這箇 恁地平正而今把意思去形容他却有時偏了〇太極是酱 又不用裏面許多節拍却只守得箇空蕩蕩底公更看橫渠 西銘初看有許多節拍却似狹充其量是甚麼樣大〇間康 子程子所說小有不同康節於那陰陽相接處看得分曉故 節所謂一 多舉此處為說不似周子說無極而太極與五行一 一陽初動處萬物未生時日某當問康節之學與問 太極圖論 箇物似 字様 一陰陽陰

信兵五馬司 山陽度氏目正始讀晦庵先生所釋太極圖說英得其義然時 也至於陰陽變合而生五行水火木金土谷具一圈者所謂 而其所謂上之 時覧而思之不敢廢其後十有餘年讀之旣久然後始知所 赐 謂上之一图者太極本然之妙也及其動靜既分陰陽旣形 中矣康節是指貞元之間言之不似周子程子說得活體用 原顯微無問 一太極如此周遍若如周子程子 一物 一圈者常在乎其中葢本然之妙未始相難 太極也水而木木而火火而土土而金復 說則康節所說在其

者之求之其將何以求之哉亦求之此心而已矣學者誠能 也以見太極之妙流行於天地之間者無平不在而無物不 一太極也又其下之一圈為萬物化生者所謂萬物一太極 然也然太極本然之妙初無方所之可名無聲臭之可議學 自識其心反而求之日用之間則將有可得而言者夫家然 然之妙於是而流行也然已發者可見而未發者不可見已 乎在也感而遂通喜怒哀樂之既發者此心之用而太極本 合也總水火木金而不及土者葢土行四氣舉是四者以 不動喜怒哀樂之未發者此心之體而太極本然之妙於是 **卡里契周子** & 一)兩儀生四象之義也其下一 太極圖論 一圈為乾男坤女者所謂男女 十九

成鬼成帝即太極動靜生陰陽之義葢先生晚年表裏洞然 **脊此天地生物之始禮家所謂感生之道也又曰生天生地** 以見夫理之所以然名之所以立者先生又日乾道成男坤 **陰陽生於太極其理至此而極正當時聞之心中釋然若有** 病失之遠矣先生管語正曰萬物生於五行五行生於后陽 察乎此而於所謂無極云者真以為無而以為周子立言之 **並成女何也此程子所謂海上無人之境而人忽生乎共間** 可見以推其不可見因其可聞以推其不可聞庶乎融會貫 發者可聞而未發者不可聞學者於此深體而默識之因其 通太極本然之 少妙可求而心極亦庶乎可立矣或者不知致

行をする。同子 事理俱融凡諸子百家一 定同人說但傅之書蒸無恙而周子之易說則不可復見耳 議論先生聞之皆令正訪其子孫而求其遺交焉在吾鄉時 考其書獨有乾損益家人聚復無妄蒙艮等說而亦無所謂 傅皆有書謝其所寄姊說其後在永州又有書謝其所寄改 聖門之要自哉遂寧傅者们成未第時常從周子遊而接其 **姤說同人說者則其書之散逸亦多矣可不惜哉夫太極者** 聞之先生今之迎書本名易迎則六十四卦髮皆有其說今 所以發明此心之妙用也通書者又所以發明太極之妙用 也然其言辭之高深義理 一言一行之合於道者亦無不察况 艺微密有非後學可以 太歷圖論

今先生既已反覆論的 實一本則一日一日中印太極也未常於其上 者附之於此學者其亦熟復而深味之哉 靜至言五行陰陽陰陽太極亦無無極之文假令太極圖說 是其學未成時所作不然則或是傳他人之文後人不辯也 所以望於後之學者至矣正也輒不自 梭山凡詞太極圖說與通書不類凝非周子 陸象山與朱晦卷書 7 以其聞之先生 **加無極字動**

能為萬化根本夫太極者實有是理聖人從而發明之耳 肖皆言也皆文字也觀兄與梭山之書已不能酬斯言矣尚 盡彼之情而欲遽 以空言立論使後人 何以責梭山哉尊兄向與梭山書云不言無極則太極同於 果當於理大學曰無諸已而後非諸人人無古今智愚賢不 物而不足為萬化根本不言太極則無極淪於空寂而 日易有太極聖人言有今乃言無何也作大傳 自素定其足不足能不能豈以人言不言之故耶易大 言始未可忽也兄謂梭 申己意是以輕於立論徒為多說而示必 八簸弄於頰舌紙筆之間也其為萬化 太强副論

無極二字以 辯惑乃反疎脫如此宜 句而論字字而議有年矣宜益工益密立言精確足以悟疑 此真所謂輕於立論徒為多說而未必果當於理也兄號句 **萬化根本耶太極** 列 陽之謂道一陰 九晴之中不言無極太極亦何皆同于一物而不足 小明之易之大傳 固自若也尊兄只管言來言去轉加制 一勝已)是形而上者况太極乎脏文義者 恐學者錯認太極別為一物**故著** 以自反矣後書又調無極 日形而上者謂之道又曰一 印是 隂 無 企

學者泥於形器而申釋之則宜如詩言上天之載而於下贅 地於太極上加無極二字以曉之乎且極字亦不可以形 希夷之學老氏之學也無極一 日無聲無臭可也豈宜以無極字加於太極之上朱子發 人之書所無有也老子首章言無名天地之 益極者中也言無極則是猶言無中也是奚可哉若懼 溪得太極圖於穆伯長伯長之傳出於陳希夷其必有 至此奚啻不能以三隅反何足 此老氏之宗青也 太極圖論 一字山於老子知其雄章吾

在八分五五二 其道之進而不自以為是也兄今孜訂註釋表顯尊信如此 其至恐未得為善祖述者也潘清逸詩文可見矣彼豈能知 極字假令其初實有是圖觀其後來未曾一及無極字可見 源溪者明道伊川親師承濂溪當時名賢居潘右者亦復不 終篇未皆一及無極字二程言論文字至多亦未皆一及無 據之為平梭山兄之言恐未宜忽也孟子與墨者夷之辯則 少濂溪之誌卒屬於滿可見其子孫之不能世其學也兄何 據其愛無差等之言與許行辯則據其與民並耕之言與告 之久曾此之不能辨何也通背中焉止矣之言與此昭然不 類而兄曾不之察何也太極圖說以無極二字冠首而通書

ラニュー 同子 度之說凡之 據抑所謂夫民今而後得反之也 中要語不敢增損或稍用尊兄泛辭以相繩斜者亦差有證 夫先聖後聖豈不同條而共貫哉若於此有以灼然實見太 來書反復其於無極太極之 子言之孔子賛易自太極以下未皆言無極也而周子言之 極之真體則知不言者不為少而言之者不為多矣何至若 朱晦菴荅陸象山書 **畫以下文王演易自乾元以下皆未常言太極也而孔** 其義外與其性無分於善不善之言未皆泛為科)論辯則與於是如某今者所論則皆據尊兄書 太極圖論

作手王马 內者也聖人之意正以其宠竟至極無名可名故特訓之太 也至如北極之極屋極之極皇極之極民極之極諸儒雖有 蒙不鄙而教之意亦不敢不盡其思也且夫大傳之太極者 來到此築底更無去處從此推出四方八面都無向背一切 解爲中者葢以此物之極當在此物之中非指極字而訓之 中也極者至極而已以有形者言之則其四方八面合輳將 極循日舉天下之至極無以加此云耳初不以其中而命之 何也即兩儀四象八卦之理具於三者之先而蘊於三者之 言之折衷又况於人之言有所不盡者又非一二而已乎民 此之紛紛哉今既不然則吾之所謂理者恐其未足以為群 7 育ら世三周子 シー 太極関節 此三字而特以三字名其章以表之則章內之言固已各有 命章其首二句言理次三句言性次八句言命故其章內無 稟之得中與剛善剛惡柔善柔惡者為五性而屬乎五行初 是所謂理有未明而不能並平人言之意者一也通書理性 未當以是為太極也且曰中焉止矣而又下屬於二氣五行 方所之可言但以此理至極而謂之極耳今乃以中名之則 以中言之非以其義為可訓中也至於太極則又初無形象 停勻故謂之極爾後人以其居中而能應四外故指其處而 所屬矣葢其所謂靈所謂一者乃為太極而所謂中者乃氣 化生萬物之云是亦復成何等文字義理平今來喻乃指其

有子 主ニューショ 上者哉正所以見一陰一 之意者二也若論無極二字乃是周子灼見道體逈出常情 謂之道矣而又日一陰一陽之謂道此豈真以陰陽爲形而 未明而不能盡人言之意者三也至於大傳旣日形而上者 道理令後之學者雖然見得太極之妙不屬有無不落方體 架屋下之屋疊牀上之狀而已也令必以為未然是又理有 若於此看得破方見得此老真得千聖以來不傳之秘非但 中者為太極而屬之下文則又理有未明而不能盡乎入言 乃是道體之所爲也故道體之至極則謂之太極語太極之 不顧穷人是非不計自己得失勇往直前說出人不敢說底 陽雖屬形器然其一陰而一陽者

全體無乎不在則初無聲臭影響之可言也今乃深既無極 極則太極同於一 未明而不能盡乎人言之意者四也至熹前書所謂不言無 之後以為在陰陽之外而未曾不行乎陰陽之中以為通 渝於空寂而不能為萬化根本乃是推本周子之 太極乎之 不然則是直以太極為有形狀有方所矣直以陰陽為形 以其無方所無形狀以 行則謂之道雖有二 者則又味於道器之分矣又於形而上者之 月斤 語則是又以道上別有一 一物而不足為萬化根本不言太極則無極 公為在無物之前而未甞不立於有物 各初無兩體周子所以謂之 一物為太極矣此又理有 <u>ا</u> ا 上復有! 意以爲當 質

儒宗理要步行 意詳之豈調太極可以人言而為加損哉是又理有未明 不謂如老兄者乃猶以為未穩而難晓也請以烹善上下文 得周子之意已是大煞分明只恐知道者厭其漏泄之過 不能盡乎人言之意者五也來書又謂大傅明言易有太極 其人之論正如 時若不如此 耶老兄且謂太 **今乃言無何耶此尤非所以望於高明者今夏因與入言易** 人說有即謂之實有見人說無即以為真無耳自謂如此說 如此當時對之不覺失笑遂至被劾彼俗儒 兩下說被則讀書錯認語意必有偏見之病 不足深怪老兄平目自視為何如而亦為此 龙 所謂有果如兩儀四象八卦之有定位 人生區部 Ī

六也老子復歸於無極無極乃無窮之義如莊生人 謂周子之言質出乎彼此又理有未明而不能盡乎人言之 都無生物之理耶此又理有未明而不能盡乎入言之意者 欲奉報又恐徒為紛紛重使世俗觀笑既而思之若遂不言 見測度今且以愚見執方論之則其未合有如前所陳者亦 心高明之學超出方外固未易以世間言語論量意 無極之野云爾非若周子所言之意也今乃引之而 一元竟陳之 太極圖論 一者寧可見笑於人

通書 周子卷一 島三世足用子 氏以傳於世而其為說實相表裏大抵推 得孔孟不傳之正統則其淵源因可樂見然所以指夫仲尼 著之書又多散失獨此一篇本號易通與太極圖說並出程 書者濂溪夫子之所作也夫子自少即以 八知其師傅之所自獨以河南兩程夫子皆受學焉而)樂而發其吟風弄月之趣者亦不可得而悉開矣 R)精微次道義文 通書 後學西山 八辭利祿之取舍以振起 理二氟五行之

付号 特爾喜自蚤歲的者此則通論其 聞其說 綱 理之密意味之深又非今世學者所能驟而窺也是 俗學之果恆至論所以入 不為空言顧其宏 没 大用所不敢知然于其章句文字之 我马 而甚或 太極圖易說易通 則通論其大 而傳者鮮焉其知 愈密意味之愈深而不我 í: Hj 不能以句壯歲獲游延平先生之 一比年以來潜玩既久乃若粗 即幸得其遺編而伏讀之 網大用旣非泰漢以來諸儒所及 之者 日易通特不知去易字而日通大子日易說世無傳本依經以 、德之方經世之具又皆親 過 用意高遠而已)顏自始讀以至于今歲 間則有以實見其條 初益茫然不知其 有得焉雖其宏 一門然後始 書解生按 程 義所濟

誠者聖人之本 **特に世を周子** 誠者至實而無妄之謂天所賦物所受之正理也人 **惠謹序** 極圖相表裏誠即所謂太極也 俟後之君子則萬 輒爲注釋雖 而聖人之所以聖者無他焉以其獨能全此而已 誠上 元萬物資始誠之源也 第 知凡近不足以發夫子之精蘊然創通大義以 而為性命之本源也 一紀惟前哲 多二 一其庪幾焉淳熙一 通書 益遠懼妙旨之 - 未九月甲辰後學朱 八皆有之

乾道變化各正性命誠斯立焉 純粹至善者也 作号,王里是 即圖之陰靜也 此上二一句亦易文天所賦為命物所受為性言乾道變化而 萬物各得受其所賦之正則實理於是而各爲一 實理流出以賦於人之本如水之有源即圖之陽動也 純不雜也粹無疵也此言天之所賦物之所受皆實理之本 別名也元始也資取也言乾道之元萬物所取以爲始者乃 **%無不善之雜也** 二句引易以明之乾者純陽之卦其義爲健乃天德之 物之主矣

大哉易也性命之源乎 このことすこうにヨリア **兀亨誠之通利貞誠之復** 也成則物之已成性則理之已立者也陰之屬也誠之立也 繼也復者各得而藏於已姓之成也此於圖已為五行之性 謂也善即理之 此亦易文陰陽氣也形而下者也所以 元始亨通利逐貞正乾之 陰 者也道即理之謂也繼之者氣之方出而未有所成之 陽之謂道繼之)方行而未有所立之名也陽之屬也誠之 1 . 7 四德也通者方出而賦於物善之 者善也成之者性也 那些 除 陽者理也形

靜無而動有至正而明達也 誠五常之本百行之源也 聖誠而已矣 條字理要以 象也實理全則五常不虧而百行修矣 方靜而陰誠固未嘗無也以其未形而謂之 聖人之所以聖不過全此實理而已即所謂太極者也 五常仁義禮智信五行之性也百行孝弟忠信之屬萬物之 錯而實理流行一賦一受於其中亦猶是也 易者交錯代換之名卦爻之立由是而已天地之 誠下第二為五常百行之本源也一一就一第二此篇論聖人全此質理而 **人無耳及動而** 間陰陽交

故誠則無事失 果而確無難焉 馬戶里戶周子 至易而行難 一常百行非誠非也邪暗塞也 非誠則五常百行皆無其實所謂不 **故邪動而不明不達故暗且塞** 實理自然放易人 誠則衆理自然無 誠非至此而後有也以其可見而謂之有耳靜無則至正 而 動有然後明與達者可見也 えこ 八僞奪之故難 一不備不待思勉而從容中道矣 通書 四

誠無為 **省中的工工** 幾善惡 實理自然何為之有即太極也 果者陽之决確者陰之守决之勇守之固則人偽不能奪之 效至於天下歸仁果確之無難如此 克去已私復由天理天下之至難也然其機可 幾者動之微善惡之所由分也蓋動於人心之後則天理固 誠幾德第三 日克已復禮天下歸仁焉 7 日而决其

復焉執焉之謂賢 島民里更周子 馬安馬之調聖 復者反而至之 學問勉强而誠無不 焉即五行之性也 幾以成其德而有以守之者也 得於心者謂 一宜日義理日禮通日)執者保而持之賢者 X)萌乎其間矣此陰陽之 德其别有是五者之 通書 口智守日信 小明徳無る 聖者士 ・徳過人之 行化之之 象也 $\mathcal{F}_{\mathbf{L}}$)稱此

也 寂然不動者誠也感而遂通者神也動 **癸微不可見克周不可窮之** 作与王马 也 用之間介 可知者也 然而未發者實理之 聖第四近篇論誠精而明 一微妙而不可見克之周徧而不可窮則聖人之妙用而 ル然有頃之 後故幽 2調神 調 妙 聖幾 兆

誠神幾日 動而正 用而和 問いずにある 性焉安焉則精 也 動之所以正以其合乎衆所共由之道也 理雖已 百 道 德 」斯事則未著微而幽也 匪智匪信悉邪也 77.1 明應妙而有以 通制 洞其幽微矣 於外也 ド

聖人之道仁義中正而已矣 道第六之利麻之可以即 **邓動辱也甚焉害也 枚君子慎動** 守之貴 無得於道思 動必以正則和 大 徳 在 調道者 則其用不和矣 五常而已非此則其動也邪矣 其中矣 心 配合乎天 地否则道自道矣

或問曷為天下善曰師曰何謂也曰性者剛不	師第七	言為之則是而嘆學者自失其幾也	不守不行不原耳	道是本K女易前人近到有女易中	克其本然並立之全體而已矣	廓之配天地	順理而行何往不利.	行之利
善惡中而已矣					13. 23.	•		

故聖人立教仰人自易其惡自至其中而止矣 染柔善為慈爲順爲異惡為懦弱爲無斷為邪伎· 惡者固為非正而善者亦未必皆得乎中也 **聚無過不及者而言之如書所謂允執厥中者也** 此以得性之正而言也然其以和爲中與中庸不合葢就已 剛柔固陰陽之大分而其中又各有陰陽以爲善惡之分焉 此所謂性以氣稟而言也 也者和也中節也天下之達道也聖人之事也 日剛善為義為直為斷為嚴殺為幹固惡為猛為隘為疆 卷二 きり) 德而無彊梁懦克

故先覺覺後覺開者求於明而師道立矣 師道立則善人多善人多則朝廷正而天下治矣 師者所以攻人之惡正人之不中而已矣 象以爲水火金木而即其中以爲土葢道體即 不及之偏矣 此所以為天下善也〇 惡即易之四象易又加倍以 八貴於聞過尤貴於有耻不然)此章所言剛柔即易之兩儀各加善

必有耻則可教聞過則可賢 無思本也思通用也 唐通也. 有耻則能發憤而受教聞 不聞過 雖聞過而未必能改矣 思第九 此篇言思之 不仁也 一無耻 於思也 颅尤大也 為聖

通微生於思 於凶咎 唐 也 思之至可以 知幾其神乎 無不通聖也 N.K. 機也 随書 聖人也 九

聖希天賢希聖士希賢當志於為聖聖當志於希天志學章第十為賢賢當志於為聖聖當志於希天 伊尹顏淵大賢也伊尹耻其君不為尭舜 過則聖及則賢不及則亦不失於令名 志伊尹之所志學顏子之所學 作分明多 市顏淵不遷怒不貳過三月不違仁 希望也 聖也 此言士希賢也 說見書及論語皆賢人之事也 为二 夫不得其所若雄

易不世民周子 元二 八以陽生萬物以陰成萬物生仁也成義也順化第十一天以仁義育正萬民而與天為一順化第十一此篇言天以陰陽生成萬物聖人 書之包括至大而其用無窮矣 為事也故日學顏子之所學人 為善之實也 故日志伊尹之所志思人 一者뼙其所用之 人在上以仁育萬物以義正萬民 公氣言仁義以道言詳已見圖解矣 口周子患 (發策决科榮身肥家希此 八以廣聞見工文詞矜智能慕空寂 為所至之近遠不失令名以其有 通書 人能志此志而學此事則知此 一人順

其然之謂神 天道行而萬物順聖德修 作为五国 1純其心而已矣 室之邑人人 所謂定之以仁義 純者不雜之謂心謂 天地聖人其道一也 治第十 人提耳而教且不及况天下之廣兆民之二下可治故以純心為要用賢為悉也二此篇言聖人心純乎理則賢才輔而天在君君之道在心心之術在仁義 4 人道豈遠乎哉祔豈多乎哉 人君之心 而萬民化大順大化不見其迹莫知

純心要矣用賢急焉 心純則賢才輔 局で見らい問子 求是四者之實矣 君取人以身臣道合而從也 事也德不言信事不言思者欲其不違則固以思為主 義禮智五行之德也動靜陰陽之 則天下治 2:-通書 八提耳而教矣 謂純 宣化

實勝善也名勝耻也故君子進德修業 除陽理而後和君君臣臣父父子子兄兄弟弟夫夫婦是 **谷得共理然後和故禮先而樂後** 理也樂和也 此定之以中正仁義而主靜之意程子論敬則自然和樂亦 此理也學者不知持敬而務為和樂鮮不流於慢者 禮陰也樂陽也 **行理** 禮樂第十 四名不可使名勝於實也 发二 į 語宗里吳周子 問日有不善 与善不及· 設問人或有 不及則學焉 答言當學其盖品已 爱敬第十五 善則勒不幸 八日憂 、善則何以處之 善而我不 &二 **小能及則如之何** 通書 見善則學做 其爱敬也

故君子悉有衆善無弗愛且敬焉 不能改 有語曰斯人有是之不善非大惡也則曰孰無過焉知其不 有善一不善二則學其一而勸其二 作与工用。 亦荅辭也言人有善惡之雜則學其善而勸其惡 此亦荅問聞人有過雖不得見而告勒之亦當荅之以此與 其或開而自改也有心悖理調之 此事之為不善也勸之者恐其不知不善之可改而為善也 **荅言人有不善則告之以不善而勸其改告之者恐其不知** 惡無心失理謂之過 小能

編長里要周丁 有形 神則不離 於形 於惡則無所 無動靜而無靜非不 而無動物也 三無靜神也 / 必動有靜靜有動斯為/ 此篇言動一於動靜一 偏 而不囿於形 其愛敬矣 不靜也 於靜則為物 妙萬物

四時運行萬物終始 水陰根陽火陽根陰 手与ままで 言也 水 妙萬物之用而言心 也所謂神妙萬物者如此 此即所謂五氣順布 此即所謂五行 陰陽陰陽太極 陰也而生於一 上文起下意 一則本平陽也火陽也而生於二 陰陽怪陽 太極者以神妙萬物之體而 則本乎陰

海庶矣乎 公於已者公於人未 此章之 心而日用間自無別用力處矣 而力行之則有以 打斤 知無極之 能明察而無所此為言已私旣 任法以裁物者發 加出了)真兩儀四象之本 一而能公於人 人也

剛善剛惡柔亦如之中焉止矣 **厥彰厥微匪靈弗瑩** 末以綠本則五行之異本二氣之實二氣之實又本 此言理也陽明陰晦非人 此言性也說見第七篇即五行之理心 此言命也二氣五行天之 相南北何管子 理性命第二 行化生萬物五殊二實二本則一 小大有定 士 一票之不齊命則 八心太極之 所以賦受萬物而生之者也自其 Į į 是萬為一一實萬分 太極性 一本也則氣 一理之

頭子一 所のまでいる 大富貴人所愛也顏子不愛不求而樂平 理之實而萬物分之 說見論語 至愛之間當有富可一字所謂至貴至富可愛可求者即問 極是合萬物而言之 大之物莫不各有 顏子第二 一箪食一 至貴至愛可求而異乎彼者是 一瓢飲在陋巷人 3 一富貴貧賤不足 定之分也〇 太極而已 面片 其心也樂 大章意同 小败其樂 何心哉 太極而

處其大 者道德有於身而已矣 天地間至尊者道至青 保守理事 當深思而實體之不可但以言語解會而已 齊字意複恐或有誤或日化大而化也齊齊於聖也 齊而未至之名也 問至尊者道至貴者德而已矣至難得者人人一師友上第二十四陸師親友然後可得於身也 一則能化而齊故顏子亞 則心泰心泰則無不足無不足則富貴貧賤處之一 教程子每今尋 人理雖明 聖. 何事者也然學者 **以鮮**克知之故 业

道義者身有之則貴且尊師友下第二十五此篇言道義由師友有之 八生而蒙長無師友則愚是道義由師友有之 周子於此一 是以君子必隆師而親友 得貴且尊其義不亦重乎其聚了 此處恐更有由師友字屬下句 (至難得者有於身非師友則不可得也已 一一一一一一一一一一一 重此樂人亦少知之者 意而屢言之非復山也其丁盛之意切矣 2 詳焉 1.1.1 通書 二而聚樂也之人無師

率滅其針而無悟也噫 極重不可反識其重而亟反之可也 仲由喜聞過今名無窮焉今人有過不喜人 儒宗理要儿 大下勢而已矣勢輕重也 重未及而識之則猶可反也 反之在於人力而力之難易又在識之早晚 万也識不早力不易也 過第二 勢第二十七歸之天可反而不用力人之尤也_ 重則勢必趨於重而輕愈 八名人而諱過必至於滅身也八此篇言仲由喜聞過則垂今 八規如護疾而忌醫

語っていると問子 問勢之不可反者 必善其詞說皆欲^ 亦無所歸罪矣 八 也 何 尤 **(載道猶車所** 一八此言文以載道 きこ **分 か則難識無補** 《載物故為車者必餘 八也 通背 **北虚車**平 而出於人 用者 た

然不賢者雖父兄臨之師保勉之不學也强之不從也 文辭藝也道 不知務道德而第以文辭為能者藝焉而已應弊也久矣 待藝而後其文可傳矣周子此章似循别以文辭為一 此猶車不載物而徒美其餘也〇或疑有德者必有言則不 此猶車已餘而人不用也 亦何為乎 用力焉何也曰人之才德偏有長短其或意中了了而言是 **穿到** | 循車載物而輪轅飾也 是爲教故曰言之無文行之不遠 而藝者書之美則愛愛則傳亞 - 1

然則聖人之蘊微顏子殆不可見發聖 儒宗理更獨子 憤不啓不悱不發舉一 者常少學者先務於德而已矣 **亦言西銘吾得其意但無子厚筆力不能作耳正謂此也然** 說亦見論語言聖人之道有不待言而顯者故其言如此 言或可少而德不可無有德而有言者常多有德而不能言 聖蘊第二十九世人急求聞知於人溝亦甚矣 論語言聖人之 **欲無言天何言哉四時行焉百物生焉** 卷二)教必當其可而不輕發也 隅不以三隅反則不復也 通書

常人有一聞知恐人不速知其有也急人 顏子也聖同天不亦聖子 生也 輕發又未常自言其道之蘊而學者唯頗千為得其全故因 淺則薄土言首下言尾互文以明之也 聖凡與品高下懸絕有不待校而明者其言此者正以深厚 **蘊中所畜之名也仲尼無迹顏子微有迹故孔子之教旣不** 其進修之迹而後孔子之藴可見猶天不言而四時行百物 之極警失淺薄之尤耳然於聖人言深常人言薄者深則厚 展義理之宗天 精蘊寄之易為文 八知而名也薄亦甚矣

易何止五經之源其天 聖 島民世長周子 至廣之 必於此而寄之也 鬼神之 **之**越義理之 一種謂氏 /業也有卦則因以形矣 幽其理莫不 手中 意畫前之 宗也然不 變卦畫有自然之體此易之 (之 蘊 始 不 可 悉 得 而 聞 八地鬼神之奥乎 所有如吉凶消長之 小具於卦畫之中焉此 易至約之 通書 此葢凡管於陰陽者雖)理也伏 理進退存 Ē 天地之 1

君子乾乾不息於誠然必懲忿室慾遷善改過而後至乾之用 作与五马 **共善是損益之大莫是過聖人之旨深哉** 百凶悔吝生乎動噫吉! 而已動可不慎乎. 以三卦合而言之或日其字亦是莫字 此以乾卦爻辟損益大象發明思誠之方葢乾乾不息者體 四者一善而三惡故人之所值福常少而禍常多不可不謹 ○此章論易所謂聖人之蘊 」去惡進善者用也無體則用無以行無用則體無所措故 乾損益動第三十 **家人際復旡妄第三十**

治天 家難而天下易家親而天下疏也 信人里好用于 不必端端本誠心而已矣則必善善則和親而已矣心了 親者難去疏者易裁然不 離上兌少女離中女也陰柔之性外和悅而內猜嫌 則謂物之可視以為法者猶俗言則例則樣也 而異志 、離必起於婦人 可正親不和則家不可齊 本身之)謂也治天 ミニ 一女以下聚彖傳文二 先其難亦未 通書 有則家之謂也 一女同居而志不同行也 有能其易者 女謂緊卦 Ī

是治天下觀於家治家觀於身而已矣身端心誠之 **放无妄次復而日先王以茂對時育萬物深哉** 復其不善之動而已矣 **芜肵以釐降** 作为到国 不善之動妄也妄復則无妄矣无妄則誠矣 程子日无妄之 不善之動息於外則善心之生於內者 於舜將以試舜而授之以天下也 无妄次復亦卦之序先王以下引无妄卦大 -也媽水名汭水北舜所居也尭理治下嫁! 一女于媽內舜可禪乎吾兹試矣 ~調誠 無不質矣

而未里要周子 所移也 物唯至誠者能之而贊其旨之深也〇此章發明四 **所謂聖人之蘊** 八之道入乎耳存乎心蘊之 | 者陋矣 **陋第三** 以道充為貴身安為富故常泰無不足而錄視軒冕塵 理易明而屢言之欲人有以真知道義之 富貴第三十 一四重而不溺於文辭之陋也 怒二 而不在平富貴之富貴也道德 通書 重 解

以成其變化 全誠則動動則變變則化故口 利害相攻不 實理之自然擬議者所以誠之之事也 意同上章欲人 **()** [] [] [] 庸易大傳所指不同合合而言之未詳其義或 刑第三十六 擬議第三十五 八聖人之法天以政养萬民肅之以刑民之盛也欲動情 可則賊滅無倫焉故得刑以治 、真知道德之重而不溺於文辭之陋也 以秋物之 口擬之 生也既成矣不止則過焉故得 而後言議之而後於

后民里是周子 中正本也明斷用也然非明 人之道至公而已 者又自有先後也訟之中兼乎正噬嗑之明兼乎達訟之 、噬嗑之動即果斷之謂也 公第三十七 以剛得中也噬嗑口 章略同 **3 3 3** 一刑者民之司命也任用可不慎乎)矣或[口何謂也曰天地至公而已矣 进書 了則斷無以施非斷則 **|利用獄以動而明也** 偛

報功之 也 **童蒙宋我我正果行如簽焉筮叩神也再** 道德高厚教化無窮質與天地参而四時同其惟孔子乎 信与尹马 春秋正王道明大法也孔子為後世王者而修也 死者於前所以懼生者於後也宜乎 萬世無窮王祀夫子報德 道高如天者陽也德厚如地者陰也教化無窮如四時者 行也孔子其太極乎 蒙艮第四十之意是亦聖人 孔子下第三十九 一無盡馬 之雜也 明主帮 一則瀆矣瀆則不告 配臣賊

第二 月下 吉凶以果决共所行也叩神求師專一則明如初筮則告 師也筮揲蓍以决吉凶也言重蒙之人來求於我以發其蒙 果汨再三也亂濱也不决不告也葢汨則不靜亂則不清旣 此通下 而我以正道果决彼之 不如不告之為愈也 不能保其未發之善則告之不足以果其所行而反滋其惠 二則感故神不告以吉凶師亦不當决其所行也 下出泉大象文山靜泉淸有以全其未發之善故其行可 出泉靜而清也汩則亂亂不决也 三節維引蒙卦象象而釋其義重稚也蒙暗也我謂)所行如筮者叩神以决疑而神告之 Ē

儒宗理要 艮共背背非見也靜則止止非為也為不止矣其道也深乎 **慎哉其惟時中乎** 背者止於不見之地也止於不見之地則靜靜則止而無為此一節引艮卦之象而釋之艮止也背非有見之地也艮其 右周子太極圖并就一篇通書四十章世傳舊本遺文九篇 則决之泪而亂則不决皆時中也 時中者象傳文教當其可之謂也初則告濟則不告靜而清 人之蘊而主靜之意实 有為之之心則非止之道矣〇此章發明二卦皆所為聖 老二 **篇惠所集次皆已校定可繕寫惠按先** ? 其 三百 :::

節に担長間子 述其意而李仲通銘程邵公誌顏子好學論等篇乃或并其 其可以象告者莫備於太極之一 建安板本為無幾焉而猶頗有所未盡也葢先生之學之與 生之書近歲以來其傳旣益廣矣然皆不能無繆誤惟長沙 本皆附於通書之後讀者遂誤以爲書之卒章使先生立象 發明其蘊而誠動靜理性命等章為尤著程氏之書亦皆祖 之微旨暗而不明驟而語夫通書者亦不知其綱領之在是 作太極圖為首稱而後乃以易說易通擊之其知此失然諸 語而道之故清逸畓公誌先生之墓而叙其所著之書特以 也長沙本既未及有所是正而通書乃因胡氏所定章次先 圖若通書之言葢皆所以

作与亚马 言為正以為先生之書之言之行於此亦略可見矣然後得 序名章亦復其舊又即潘誌及補左丞孔司封黄太史所記 臨厂楊方本以校而知其外阻猶有未盡工者又得何君營 學之微有諸君子所不及知者則又一以程氏及其門人之 先生行事之實删去重複參互考訂合為事狀一篇至於道 之道而徒為重複故建安本特據潘誌置圖篇端而書之次 生之舊若理性命章之類則一去其目而逐不可晓其所附 道詩序及諸皆遊春陵者之言而知事狀所叙濂溪命名之 見銘碣詩文視他本則詳矣然亦或不能有以發明於先生 後輒頗有所移易又刊去章目而别以周子曰加之皆非先

島民里民周子 道之者又讀張忠定公語而知所論希夷种穆之傳亦有去 命假守南康遂獲嗣守先生之遺教於百有餘年之後顏德 盡其曲折者皆欲别加是正以補其闕而病未能也兹乃被 素謹書 弗類慙懼已深瞻仰高山益切寤歎因取舊帙復加更定而 附著其說如此錢板學官以與同志之士共覽觀焉新安朱 通青 筆削之

類視通書中所述自孔子外獨三稱類子則可知學問之所自 之分耳 先儒言孔子如玉孟子如水晶此最善形容有道氣象若頹與 **或問儒者之論皆以周子繼孔** 周子之於孟子可相伯仲未可分差等孟子才才 為亞里則 非故為軒輊也 則非水晶也溫栗之資已同于玉但干了 請用了 周子繼孔孟此以世數言也若論學問則周子實繼孔 1 也 とほしう ル問え **1.子微有高下大小** 人周子心細其

一件 行 技 男 想 **昔人謂孟子之功不在禹下謂其有關楊墨之功也若周子則 莫多焉故遂得程朱其入也** 周子之學渾是一誠字故通書首章即日誠者聖人之本二章 太極人極說得最分明使二氏不能欺人以暗尤為不動聲色 引入勢利誰能為此迁遠之學若周子時方是全盛而人才又 功豈在孟子下 非量有不同時為之也戰國時聰明才辯之士皆為縱橫之流 孟子之後無傳人周子之後却得程朱接續以後便源源不竭 日聖誠而已矣三章日誠無為幾善惡四章日誠神幾日聖人 一談字談者天之道也非聖人之流亞近於生知者乎

言謬欲引為已重如謂孔子為釋伽老子之弟子也至朱子序 肯細心讀易或以為無師傳或以為師二氏此皆未知周子者 **精萬物化生也何皆自出一毫私意學者不肯細心觀圖又不 見き担じ問子** 次水。全即兩儀生四象也學天地網組萬物化醇也需男女構 得之陳旃种放穆脩或謂師事鶴林寺僧壽涯此二氏無稽之 **周子通書全從易出太極圖全從繫辭出不會造作一毫或謂** 通書亦謂莫知師傳之所自夫易與繁解即師傳也何必舍是 而更問哉今觀其首 **△極圖甚平易人都看得鶻突其實極易暁中間** 一圈即易有太極也次回即是生兩儀也 緒言 一畫分黑白者白為

說同人說令其書獨有乾損益家人緊復无妄蒙良等說而無 **陰也但伏羲在太極上面直畫兩畫周子便把伏羲兩蜚彎轉** 後傳者見其如此遂誤以圖為書之卒章不復釐正思詞局子 抱在太極兩傍是恐人把太極兩儀看作二物故特作此圖以 陽黑爲陰黑之中有自白之中有黑者陰之中有陽陽之中有 明無極而太極太極本無極之盲耳 通書本名易通山陽度氏載傳伯成未第時當得周子所寄姤 朱子謂周子太極圖當在通書之首先生手授二程本因附書 所謂姤說同人說則知易**通之為書六十四卦皆有說特散逸** 个全耳其則議論次序當悉依周易非自立體格別為一書也

特記之 育さ世に同子 此書也 無凝總之周子作太極圖說天人之間已自分配得上 朱子註太極通書語語依太極圖分太極陰陽老心 周子作太極圖發揮五 **通書於義無不可然太極圖所以為通書之卒章則實因此故** 八極圖說止說得天命之謂性 人信手拈來自然頭頭是道也 後實以緊辭在六十四卦之後故耳朱子取以 - 庸而作亦無不可繋解中 〈地萬物之理太極 緒言 一句故謂太極圖說為繼 一庸而後未嘗存 **一雖拘而亦**

践形即能盡性能盡性即能達天天與人總只是一 句句相對則知人身與天地處處相合絕非矯揉造作故人能 僧に力理・ファー 子獨得處太極圖說一篇主意全在人極上令人讀太極圖說 來後半惟人也得其秀而最靈 在誠無為幾善惡二句 个論人極而止論太極失周子之意矣 生萬物妙處只在妙合而凝一點人 之舊至於主靜立人極人 (地不知人極無人此之謂不誠無物 段都是說人極人極與太極 **極二字則自周子開闢** 八心周應萬事要處口 一理此是周

益所謂心勞日拙也易曰天下何思何慮天下同歸而殊途之 的法理反同子 致而百慮天下何思何慮此正是說誠則無事 極圖中出來不過是陰陽皆太極 表四字則主靜自不入于一 **做百出事變日多不惟世界不得太平究竟身心愈勞擾愈無** 八極要處在主靜二字主靜要處在中正仁義四字有中正 **字善惡皆天理** 過故可以主靜可以立人極 |復著個中正||字惟中正則仁不流于偏義で 一語諸儒皆以 八何妨所惡于庸人者為其作爲 偏自非二氏之學所能混 ١

對葉葉相當以見吾人此心此理全本天來俱出自然絕非勉 朱子與陸氏兄弟論太極書語極辨博然愚謂猶未切要也周 全本太極圖說朱子中庸天命句亦本太極圖說也 辭繼善成性孟子知其性則知天矣是祖中庸天命之謂性周 于太極人極則亦組繼善成性而暗合于子思孟子者也自周 從來聖賢學問相傳止是 乎隂陽故有義理之性 作与到国马马士 太極圖最好觀性太極不離平陰陽故有氣質之性而質不雜 丁圖說妙處全以太極發明人極天人之間契若毫髮枝枝相 丁以後則凡言性與天道者無不祖之伊川顏子所好何學論 條線索子思天命之謂性是祖繫

讀周子之書而朱子亦但就有形無形及覆辨論此其所 等識見乃泛執字句之微而謂之莊老陸氏兄弟固未嘗細心 **談論之往復也讀書不貴讀字句而貴讀全篇大率如此** ,非老可也今圖說云定之以中正仁義而主靜立人極是何 かい問子 段議論則無極太極三 船声 能蜂謹識 f.

太極本 を行いては、日本間 心為萬事宰衆理之 情有柔剛生理之謂性性動而情生情生有善恶要皆統于心 極未始有二物無極非虛無中 川曜受氣有陰陽陰陽之謂道道不離須東形上 信為中孚吉五德固 無方根抵至為藏此中有神理窮神化乃彰五德配五行 太極歌 理萬物 恒有智遠學斯復好惡惟幾希 **f** 所聚元者善之長義宜因心制體中智復 相生其實歸于 太極狄 是 惟誠而後明聖 禽判其屬 Ī

善中和位育間萬物皆我備泉達火更然赤子至大人不虧廼 為完吾儒立人極絕續緊斯為 貫從此悟强恕與自然雖分勉與安 存祭兼動靜慎獨謹幾先格物以窮理主敬致知全明新止至 作者のヨラファ 後學能鱗撰